

未年 41

44

未丁巳

喉症要旨

鄭金主人



喉
證
要
旨

丁巳五月

清道人



民國六年七月初版

定價大洋壹角

著者

蕭山陳根儒

寓上海新靶子路一百四十號吟桂

路口第二宅洋房電話北三百十

版權所有
翻印必究

代發行所

上海掃葉山房

外埠分售處

各省大書局



南京中醫藥大學圖書館藏

蕭山陳根儒先生以名宿學而旁究藝術研精岐黃平日微思渺慮等身
著作至老不倦常自抒心得發前人所未發而為後學者之楷模曩年著
溫熱論箋正甫脫稿舉以見示 家君展讀之欽服良深曾叙言於卷首
亟勸之付梓以公諸世是書成果家置一編而風行海內矣越一歲丁巳

夏先生復袖出近著喉證要旨稿見屬維

岳鎮

於先生忝列後進夙仰山

斗矧以陋聞膚見曾何足以語高深乃謬承嘉許為可與言

岳鎮

受而讀

之至再至三歎服先生之精心強力為不可及也已何則是編雖寥寥數
頁而精義名言兼賅博綜首篇曰原病所謂探原立說必抉其致病之由
而後奏其却病之方則神而明之存乎其人矣次曰治要所謂扼得要領
而下施鍼砭斯捺縱自如矣又次曰知防所謂治於已發不如防於未發
是以醫學而貫徹治道也至於末言辨藥又有經有緯有本有原斷非空
疏者所能夢見讀終編恍然知先生於喉證一道識微知著故能言之確

語之簡而直揭要旨也先生博考窮稽發為是論詎容秘枕中允宜公諸
世本仁者立言為救世良方則造福無窮矣噫先生學問文章闕中肆外
原可以拯一世乃退隱岐黃著一說立一議以救世拯民其濟人愛物之
心為何如哉古語云不為良相為良醫今於先生見之 岳鎮
詞誌之卷後時在丁巳夏四月浴佛日曹岳鎮謹識 不敏故抒蕪



喉證要旨

原病

素問陰陽別論曰一陰一陽結謂之喉痺。王太僕註一陰謂心主之脈。一陽謂三焦之脈。三焦心主之脈並絡喉。氣熱內結。故為喉痺。李念義輯內經知要於病能篇引此文而添註曰一陰肝與心主也。一陽膽與三焦也。肝膽屬木。心主三焦屬火。四經皆元上。其脈並絡於喉。陽邪內結。痺證乃生。說兼風火。似較王註為精。然肝膽之所以得生風助火。實因金受火刑。不能平木。故木寡於畏。侮所不勝耳。是以其源實專主於火。李說雖精。不及王註之確。素問此語實綜舉喉證之要。賅括簡盡。惜王註之後。無人闡之。近來白喉盛行。議者紛紜。其主溫經者。偶見辛溫之藥得效。不悟佛鬱得散之理。以為證固陰寒。豈知內熱鬱結甚者。因而轉甚。告斃者多矣。其主辛涼者。見溫藥之害。以為病類風溫。遂專主辛涼發散。豈知火毒盛者。

散風之藥。轉助其燄。而肺虛尤甚者。其氣立盡矣。二者皆誤。於是養陰忌表之說。如世傳白喉治法。忌表。挾微。謂白喉為肺虛之本象。為溫證中最重之一端。其所見固遠勝於時流。治法亦多合者。惜其未明氣血為病先後之序。且有因溫暑之邪。蒙痺而成者。尚多所遺。故特本素問之語。表而出之。夫溫邪感人。所以首先犯肺。亦以內外相感。虛處受邪耳。但溫邪從口鼻而入。自衛而營。先傷氣分。後及血分。未傳心包。流連腸胃。故養陰清絡。降胃導腸。便得其治。若喉證。其血熱內毒蘊結三焦。心包先已有病。肺氣漸傷。受邪尤易。故一感其氣。即便熾張。上竄咽喉。為禍甚捷。其病由營及衛。血為本。氣為標。故散熱調胃。均非其治。要以清宮涼血通陽利小便為主。則心包三焦之火。得以下行。然後再事降胃導腸。使血毒已結者。得從大便而去。若徒通大便。則心包三焦之熱。仍蘊於中。血垢雖從腸胃少解。然旋解旋生。無益於事。蓋腸胃為受盛之府。非釀病之原。肺為受病之

之藏。非發病之地。心包與三焦相為表裏。三焦命門相火所寄。故相火為病。必本三焦。後及心包。上干於心。心主血。心受邪熱。故血熱而生毒。經云諸痛痒瘡瘍皆屬於心。其義一也。總之心火刑金。故肺病而衛氣傷。氣傷不可復散。故忌表。其理與暑邪中心相似。其重者音啞。是非徒肺氣受傷。寔肺系腐爛。與金實不鳴者迥異。肺為華蓋。百脈朝宗。一身之氣皆賴統攝。故肺全則人得全。肺壞則無以為生矣。此病之原也。

治要

喉證之原。既屬心火刑金。血熱生毒。則其治自以清心涼血保肺為要。白喉治法忌表。挾微本重樓玉鑰白喉捷要等書。師溫病條辨養陰潤下清宮諸法。於義為得。然其表中所列去取之藥。亦尚有可議者。且謂鬱勃之火。全集肺胃二經。則亦似是而非。蓋既集於胃。則在經者可表而去。在裏者可下而去。不為難治矣。蓋心主三焦之脈均絡於喉。故二經熱毒發見

於此而肺藏受困於無形。最為酷烈。故難治耳。大概白喉初起。以清血通陽利小便為主。可於導赤散中。加犀角羚羊角丹皮白芍川連連翹沙參麥冬人中黃人中白鮮荊根蘆根等。以涼血清心養陰敗毒。使其伏熱鬱結。均得從小便而去。舌苔垢膩或胸腹微滿者。加大黃元明粉枳實瓜蒌等。下其痰沫穢濁。川樸溫燥未可驟加。須舌苔不燥。胸滿時吐白沫者。方可少加。毒稍重者。即用西法血清追毒以佐之。不必俟困。蓋藥物入胃。始得分布。不如血清直追之速。以腸胃為多血多氣之府。去其垢穢。雖能滅殺其勢。然心為血之本藏。其脈絡貫於全身。毒敷殆遍。腸胃一隅所滅甚微。故擒賊擒王。不如直取三焦心主耳。西醫治喉用血清之法。寔與素問暗合。亦有火毒鬱結已甚。或膜原有伏邪。清潤下奪。一時格不能入。則火鬱發之。溫開之藥。如川朴生薑鬱金菖蒲附片等。亦可暫時酌用以為引。所謂反佐爾。但一劑之後。即當舍去。須知從治反治。不過暫借其力以奪。

門斬關用之得當。其後尚有流弊。況不當乎。服藥之外。漱洗外敷。尤不可缺。一見白點。卽宜以冷薄荷礪砂湯。時時漱之。漱後卽用犀黃辰砂水片。雄精人中黃礪砂等藥合散吹之。腐重者加礪砂少許。或用雷氏六神丸數粒研入。吐出痰涎。旋吹旋漱。漱後更以新棉拭之。務令白腐脫盡。譬如瘡瘍膿腐不盡。新肌不長。而膿水所至。更蝕好肉。此理易喻。然指拭須輕重得宜。必精手術。西醫之法甚良。為喉科者所當習之。其證身熱者尚輕。無熱者為重。以其火熱不得出行。鬱結尤甚。銅蔽尤深耳。其脈浮洪弦數。沈細不等。大抵浮洪者毒淺易治。沈細者毒深。且多積滯。當辨其有力無力。若沈細而有力者。急下之。下之必得痰沫醬垢如膠漆者為止。不厭頻也。自利者仍當下之。此與協熱下利。瘡疹不忌瀉同法。以火毒得行也。聲啞者重。速理肺系。神昏不醒者難治。其餘治法如抉微所述。此主治之大要也。

知防

素問四氣調神大論曰。聖人不治已病。治未病。不治已亂。治未亂。夫病已成。而後藥之。亂已成。而後治之。譬猶渴而掘井。鬪而鑄錐。不亦晚乎。言疾病之宜預防也。原夫喉證之盛。雖有時為疫氣所感。然感其氣者。大抵平日將息失宜。藏腑先病。如然。放鞭爆一箇。既響。全串皆及。然。尋視其處。有未發者。則必其中空。無引火之藥也。鞭爆處烈焰之中。而空者能全。故知人當疫癘之際。其藏腑盛者。能免於患也。今西醫防疫如臨大敵。中醫每非笑之。夫疫蟲固有是物。但視其人之所感何如耳。是以防其已然。防之未必能止。不如防其未然。使不能傳之為得也。夫白喉之傳。其人血必先熱。肺氣已潰。故疫蟲得隨氣吸入。集於肺中。物必自腐。而後蟲生。理固然也。今欲防喉證。莫如使血毋熱。欲血毋熱。當慎其居處。節其飲食。時其藥餌。而調之。無病之時。常如有病。則病無自入矣。居處之法。春夏宜涼。冬時

醫藥大學圖書館藏

宜溫。溫清適中。常如秋深。衣被欲輕。風火欲避。烈燄寒冰。當知所忌。至於飲食。淡泊最宜。薰炙寒冷。皆能傷肺。血氣凝迫。火熱鬱伏。始於皮毛。中及經絡。既入三焦。有感斯作。酒助心火。藥治已病。醇醪溫補。不可常進。冬夏入房。尤宜謹慎。四時醉飽。皆病之本。天和宜養。節慾懲忿。嬰孩飢寒。古有明訓。男女老少。所感皆同。慎之慄之。允記於衷。營血流通。衛氣自固。升降出入。無有所阻。此防患之至言。養生之要道也。

辨藥

白喉治法。忌表。挾微。後列猛將。正將。次將。及禁忌等藥。偶因一時成敗。而為去取。其寔多可議者。余恐因此。印定病家醫家之心眼。遇應用之藥。不敢用。不應。用之藥。以仙師之言。不敢議。轉以誤人。故特將其三表所列。與所謂禁忌者。詳引經訓之要。稍加按語。以告當世。神而明之。存乎其人。

正將

大生地 本經甘寒無毒。主逐血痺。按痺結也。血因熱痺。故生地甘寒涼血。使得行也。

天冬 本經苦平無毒。久服輕身益氣。葉天士謂其稟金氣入手太陰。得大味入手少陰。

麥冬 本經甘平無毒。主心腹結氣。葉天士謂心腹者肺脾之分。結氣者邪熱之氣結也。

元參 本經氣味苦微寒。葉天士謂入足少陰腎。與手少陰心。包按元參色黑入腎。壯水制火。深合經旨。沙參味苦微寒無毒。主

血結益肺氣為養陰妙品。丹參氣味苦微寒無毒。主治心腹邪氣。均為可取。

煨石羔 本經氣味辛微寒。治中風寒熱。心下逆。口乾舌焦。不能息。葉天士謂入手足陽明。肺與膀胱。四經能瀉陽明實火。

當歸 本經氣味苦溫無毒。主治效逆。上氣諸惡瘡瘍。葉天士謂入肝養血。入心清火。

白芍 本經氣味苦平無毒。主治血痺。破堅積寒熱疝瘕。止痛利小便。益氣。葉天士謂入手太陰肺。與手少陰心。按白芍入心肺。世少知者。

與證類合。

丹皮 本經氣味辛寒無毒。主治驚癇。邪氣安五藏。療癰瘡。葉天士謂入肺與小腸。

貝母 本經氣味辛平無毒。為咳痺主治之藥。

薄荷 從新稱其辛能散涼。能清升浮能發汗。



生甘草

葉天士本草經註謂其氣平稟天秋涼之全氣味甘無毒稟地和

平之土味肺主氣為五藏之長脾統血為萬物之母所以主五藏

大木通

謂專入手太陰肺通調水道自是喉證之要藥

神

麩曲

從新稱其平散氣甘調中溫潤胃按

焦山查

從新稱其破氣消食化痰

陳皮

本經橘皮氣味苦辛溫無毒主治下氣通神張隱菴謂下肺主之

能散苦
能洩

砂仁

辛溫香竄殊非所宜

郁李仁

氣味酸平無毒利小便水道

知母

本經氣味苦寒無毒除邪氣浮腫下水補不足益氣葉天士

生土牛膝

即天明精從新稱其辛甘而寒吐痰

澤瀉

本經氣味甘寒無毒

候登要旨

辨藥

五



北京中醫藥大學圖書館

清甯丸 能使邪熱從小便中出。證輕者得效。重則非生大黃不可。

猛將

龍膽草 本經氣味苦澆。大寒無毒。主治殺蟲毒。

生石羔 見上

犀角 本經氣味苦酸鹹寒。無毒。葉天士謂入足少陰腎。手少陰心。亦清熱散毒。壯水制火之品也。

瓜 蔓 從新稱其瀉火潤肺滑腸。止血治熱痰之功。

生梔仁 本經氣味苦寒無毒。丹溪謂能引火從小便而出。自是佳品。

連翹 本經氣味苦平無毒。主治癰腫惡瘡癰痛結熱。蠱毒。葉天士謂入手太陰肺。手少陰心。手厥陰心包。按素問云。諸痛痒瘡瘍皆屬諸

心。連翹主治瘡瘍。清心之功也。

川朴 本經氣味苦溫。葉天士雖謂其味苦。可以清心。然性終燥烈。慎用為是。

枳實 本經氣味苦寒無毒。葉天士謂能清三焦之相火。

萊菔子 從新稱其辛溫長於利氣。丹溪謂治痰有衝墻倒壁之功。若肺氣虛者宜審之。



南京中醫藥大學圖書藏版所有

生大黃

本經氣味苦寒無毒。主下瘀血，閉寒熱，瀉腸胃，推陳致新，通利水穀，調中化食，安利五藏。葉天士謂入心與小腸經。按大黃為涼

血神品。自是喉證要藥。

元明粉

為朴硝提煉而成。本經謂朴硝氣味苦寒無毒。主治百病。逐六府積聚，能益水養陰。

川黃栢

即黃蘗。本經氣味苦寒無毒。主治五藏腸胃中結熱。葉天士謂其稟水氣，得火味入心腎二經。心屬火，結熱火氣結也。味苦，寒熱所

以主之。

馬兜鈴

從新稱其瀉肺下氣。

藍草根

即靛青草根。其功用與青黛畧同。

次將

次生地

見上

粉葛根

本經氣味甘平，無毒。治諸痺，解諸毒。葉天士謂入手太陰肺，足陽明胃，為和散肺胃之佳品。

金銀花

從新稱其除熱解毒。

冬桑葉

本經氣味苦寒，有小毒。能發汗，燥濕。按初起宜用，日久津液虧竭者宜慎之。



藿梗 從新稱其宜去惡氣。然性溫芳烈。終與溫熱不宜。

枇杷葉 從新稱其瀉肺下氣。降火消痰。自是佳品。

紫菀 本經氣味苦溫無毒。葉天士謂入手厥陰心包。手少陰心。按紫菀本春升木氣。性與荆芥相似。紫菀可用。荆芥何嫌。蓋亦佐使之藥。

柿霜 從新稱其生津化痰。清上焦心。肺之熱。治咽喉口舌瘡痛。

小木通 見上

枳殼 本經氣味苦酸微寒無毒。主治咳嗽。散留結胸膈痰滯。

炒麥芽 從新稱其下氣消食。除結祛痰。

竹葉 從新稱其辛淡甘寒涼。心緩脾清。上焦煩熱。

車前子 本經氣味甘寒無毒。主治氣癰。導小便。除濕痺。張隱菴謂小便者。心火之去路。其說從導赤散悟出。

燈心 從新稱其甘淡微寒。降心火。清肺熱。利小腸。

蓮子心 即蓮薏。本經謂氣味苦寒無毒。清心去熱。

禁忌

